

DIE XIV. APRILIS.

IN FESTO

B. P E T R I

GONZALEZ

SANCTI TELMI

Confessoris.

DUPLEX MAJUS.

*Omnia de Communi  
Conf. non Pontif. prater  
propria.*

*Oratio.*

**D**Eus, qui in Ma-  
ris periculis  
constitutis Beati Pe-  
tri opem singularem  
ostendis, ejus nobis  
intercessione concè-  
de, ut in hujus vitæ  
procellis tuæ gratiæ  
lumen semper afful-  
geat, quo æternæ sa-  
lutis portum inveni-

re valeamus. Per  
Dominum, &c.

*In primo Nocturn. Le-  
ctio. Beatus vir, de  
2. cõi. Conf. non Pontif.*

IN II. NOCTURN.

*LECTIO IV.*

**P**etrus Gonzalez;  
Sanctus Telmus  
vulgò appellatus  
Fromeltæ in Hispa-  
niæ apud Palentiam  
piis, ac nobilibus pa-  
ren-

rentibus ortus est. Adolefcens sub Epifcopi Palentini avunculi fui cura ingenius Artibus, & Philofophiæ operam dedit, ingenio ad præclara quæque aptiffimo: Sed ejuſdem Ecclefiæ Canonicatu, & mox etiam Decanatus dignitate auctus, honorum, ac divitiarum illècbris juveniliter abreptus, Sæculi vanitati paulò liberius indulfit. Accidit verò, ut cùm ipſo Dominicæ Nativitatis die equoſplendidè phalarato æqualium comitatu totam Urbem laſciviens circumcuſaret, equo in profundum lutum repente prolapſo, dejectus ipſe, multoque cæno inquinatus, ſpectantium riſu, ſaniquè exceptus ſit: quo inſigni pudore ſuffuſus, & Mandi,

cui placere ſtuduerat, contumeliam reputans, ſe viciffim, à quo ſpretus eſſet, ſpreturum cõtituit. Igitur paulò poſt, magna omnium admiratione in Prædicatorum Ordinem ſe ſe recepit, ubi veterem hominè cum actibus ſuis exuens, novumquè induens, eximia poſuit tyrocinia Sanctitatis.

¶. Honorem fecit illum Dominus, & cuſtodivit eum ab inimicis, & à ſeducatoribus tutavit illum. \* Et dedit illi claritatem æternam.

¶. Juſtum deduxit Dominus per vias rectas, & oſtendit illi regnum Dei. Et dedit.

*Leſſio v.*

**A**D cæteras autè virtutes, quibus brevi magnoperè excelluit, Charitatem  
attu-

attulit, Proximorum salutis cupidissimā: quare absoluto Sacrarum literarum studio, Sancto Patre Domnico ad imitandum sibi proposito, predicationi se totū dedit, nihil à Deo impensius flagitans, quàm ut revocandis in viam salutis animabus perditis idoneus efficeretur. Severissimam, Apostolico more, eo in munere paupertatem exercuit. Quocumq; exciperetur hospitio non indè prius exhibat, quàm Incolas omnes sacra Exhomologesi expiaffer. Sermo illi vivus, & efficax, quo audientium corda ad eò pervadebat, ut per eas, quas Apostolico zelo peragravit Hispaniæ Provincias, innumeros terè Peccatores ad poenitentiam adduxerit. Ferdinan-

<sup>3</sup>  
dum Regem cognomento Sanctum, in varias adversus Maurorum expeditiones euntem sequutus, consiliis, exemplo, & orationibus mirificè juvit. Venustas fœminas ejus amore captas, aliasquè procaciores ad eum immissas, ut pudicitia ejus insidias strueret, non solum strenuè repulit, sed etiam ad meliorem vitæ frugem convertit.

✠. Amavit eum Dominus, & ornavit eum, stolam gloriæ induit eum. \* Et ad portas paradisi coronavit eum.

✠. Induit eum Dominus lorica fidei, & ornavit eum. Et ad portas.

*Lectio vi.*

**M**Inio Flumini propè Ribadaviam longè rapido,

4  
d), atque effuso, publi-  
ca transeuntium  
utilitate pontem am-  
plissimum terè mira-  
culo imposuit, acci-  
tu ad operis molitio-  
nem ingenti Stru-  
rum manu, quibus  
cùm cibis aliquando  
dificeret, evocatos  
quotquot iis reficiē-  
dis sufficerent pis-  
ces, manuque præ-  
henso iisdem præ-  
buit. Sed, & Socios  
labore itineris, atque  
inedia terè deficien-  
tes pane, & vino coc-  
litus suppeditatis, re-  
creavit. Adhuc vi-  
vens, in savissima  
Maris procella à Nau-  
tis invocatus, iis se  
conspicuum exhibu-  
isse, tempestatemque  
sedasse perhibetur.  
Prophético Spiritu  
futura multa prænu-  
tiavit, atque in pri-  
mis extremam vitæ  
suæ diem, quo advē-  
tante in Tudensem  
se se Urbem recepit,

ubi mēritis, & labo-  
ribus plenus sancto  
fine quievit. Ejus  
corpus honorifico  
Sepulcro à Episco-  
po Tudensi conditū  
est, unde miræ fra-  
grantia oleum ema-  
nasse, traditur, Ægris  
saluberrimum. Ejus  
miraculorum fama  
ad remōtas usque  
Americæ Regionēs  
pervagata, ingenti  
Populorum venera-  
tione invocati, & co-  
li capiti; à Nautis cum  
primis, qui ejus opem  
in Maris tempestati-  
bus præsentissimam  
expertis, eum subap-  
pellatione Sācti Tel-  
mi in Tutelārem sibi  
adsciverunt. Illius  
cultum continentēr  
propagatum appro-  
bavit Benedictus Dec-  
imus Quartus, ejus-  
que Festum cum Of-  
ficio, & Missa ab uni-  
verso Prædicatorum  
Ordine, nec non à  
Clero Palentino, &  
Tuden-

Tulenti celebrari cō-  
cessit.

¶ Ille homo per-  
fecit omnia, quæ lo-  
cutus est ei Deus; &  
dixit ad eum: Ingre-  
dere in requiē meam

\* Quia te vidi iustū  
coram me, ex omni-  
bus gentibus.

¶ Ille est, qui  
contempsit vitam  
mundi, & pervenit  
ad cœlestia regna.  
Quia te vidi. Gloria  
Patri. Quia te.

### IN III. NOCTURN.

Leitio S. Evangelii  
secundum Matth.

Cap. 10.

**I**n illo tempore: di-  
xit Jesus Discipu-  
lis suis: Euntēs præ-  
dicatē dicentes: quia  
appropinquavit Reg-  
num Cœlorum. Et  
reliqua.

Homilia S. Joannis  
Chryostomi.

In Hom. 33. in Matth.

Leitio vii.

**C**onsidera, quali-  
tèr Dominus nō  
minorem curam ha-  
bet, ut mores eorum  
in melius reducat,  
quàm ut signorum  
præbeat potestatem.  
Nam ut ostendat,  
absque nobilitate  
morum, nihil signa  
valere; utque in nu-  
llum fastum animi,  
atque tumorem in-  
ciderent: gratis, in-  
quit, accepistis; dein-  
de, nè cupiditate pe-  
cuniarum moveren-  
tur, intulit, gratis  
date. Nam ne quasi  
sua ipsorum potesta-  
te miracula facien-  
tes, indè superbirent,  
gratis, dixit, ac epi-  
stis; nihil largimini  
iis, qui vos recipiunt.  
Non enim tamquam  
mer-

mercedem vestris laboribus debitam, ista accepistis: mea enim est gratia. Sic igitur aliis quoque hæc beneficia, quorum nullum potest condignum præmium inveniri, gratis date.

℞. Ille est, qui ante Deum magnas virtutes operatus est, & de omni corde suo laudavit Dominum: \* Ipse intercedat pro peccatis omnium populorum.

γ. Ecce homo sine querela, verus Dei cultor, abstinens se ab omni opere malo, & permanens in innocentia sua. Ipse intercedat.

*Lectio viii.*

**P**ost hæc, cum radicem omnium malorum voluerit evellere, vitiorumque fundamentum diruere: non possideatis, inquit, aurum neque

argentum, neque pecunias in zonis vestris: non peram in via, nec duas tunicas, neque calceamenta, neque virgam. Non dixit, non accipiatis vobiscum; sed non possideatis: ut si & aliundè recipere possent, reculerent tamen, ac perniciosam hanc aegritudinem fugerent. Quo deinde præcepto multa profectò complectitur commoda. Primum, ut nulla de discipulis possit esse suspicio: deinde ab omni sæculari cura sic ipsos liberos reddit ut prædicationi solùm vacare possint: demùm immensam suam potentiam ipsi patefacit: quod & postea commemoravit, dicens: Nunquid vobis tunc aliquid defuit, quando vos nudos absque calceis misi?

7. Sint lumbi vestri præcincti, & lucerne ardentes in manibus vestris. \* Et vos similes hominibus expectantibus Dominum suum, quando revertatur à nuptiis. \* Vigilate, ergò, quia nescitis, quæ hora Dominus venturus sit. Et vos. Gloria Patri. Et vos.

*Lectio ix.*

**I**llud etiam consideratione dignum est, quòd non incipiens statim dixit: Non possideatis aurum, neque argentum: sed cum prius mundandi leprosos, ejiciendi dæmonia, potestatem eis dedit, tunc intulit: Ni-

hil possideatis, gratis accepistis, gratis date. Sic rebus ipsis docuit, utilia se & honesta, & facilia factu eis præciperet. Sed inquit, cætera quidem non absque ratione certa dicta esse: quid autem ut peram non habeant in via, nec duas tunicas, nec virgam, nec calceamenta, quando de causa eis injunxit? Exactissime certè sublimioris vitæ fundamenta voluit jacere: sic & in superioribus, nullam de crastina die curam ipsos habere hortatur.

Te Deum laudamus.

*Missæ propria.* Dicit Dominus.

## HISPANIARUM.

**P**ORRECTIS SS. D. N. Benedicto Papa XIV. precibus à F. P. L. Idefonso Clemente de Arosegna, nomine Catholici Hispaniarum Regis, ut Officium proprium cum Missa sub ritu duplici prima Classis cum Octava, in honorem Beati Petri Gonzalez, vulgò San-Telmi nuncupati, pro Civitate & Diocesi Tundensi jam concessum, extendere dignaretur ad omnes Hispaniarum Dioceses, Sanctitas sua pro gratia extensionis Officii, & Missa, prout petitur sub ritu majori tantum, ad omnes præfatas Dioceses benigne annuit. Die 18. Septembris 1748.

Loco ✕ Sigilli.

D. F. Cardinalis Tamburinus;

Præfectus.

T. Patriarcha Hierosolymitanus,  
Secret.